



## KENYATAAN MEDIA

### **MPS SASAR 4000 PENGUNJUNG HADIR KARNIVAL EKSTREM GEOPARK@GUA DAMAI**

Majlis Perbandaran Selayang (MPS) akan menganjurkan Program Karnival Ekstrem Geopark 2024 pada 16 dan 17 November, pukul 7.00 pagi hingga 6.00 petang bertempat di Taman Ekstrem Gua Damai, Wira Damai, Batu Caves.

Program edisi ke-9 yang sebelum ini dikenali sebagai Karnival Ekstrem Gua Damai akan menampilkan sukan ekstrem antaranya Rock Climbing, Abseiling, Flying Fox Kanak-Kanak, Tree Climbing, Base Jump, High Rope Kanak-Kanak, Paintball dan Memanah. Orang ramai dijemput hadir merasai sendiri pengalaman aktiviti lasak penuh adrenalin sepanjang program ini berlangsung.

Pengunjung boleh membeli kupon berharga RM5 bagi setiap satu sukan ekstrem dan hadiah cabutan bertuah menanti pengunjung yang hadir ke program ini. MPS mensasarkan seramai 4000 orang yang akan hadir sepanjang dua hari karnival ekstrem ini berlangsung.

Lebih menarik, terdapat juga aktiviti sampingan seperti sukan zumba, peraduan mewarna kanak-kanak, aktiviti badut serta gerai jualan produk tempatan dan barangan outdoor. Untuk sebarang maklumat lanjut, orang ramai boleh menghubungi Jabatan Landskap MPS di talian 03-61266016.

**#TAMAT#**

#### **Dikeluarkan oleh :**

Bahagian Perhubungan Awam  
Jabatan Korporat

b.p. **Yang Dipertua**  
Majlis Perbandaran Selayang

**Tarikh dikeluarkan : 15 November 2024**